



UNIVERSITÄTS-
BIBLIOTHEK
PADERBORN

**Stella Benedictina Sive Regula Sanctissimi Patris Nostri
Benedicti**

Meyenschein, Benedikt

Hildesii, 1725

VD18 10311831

LXVIII. Si Fratri impossibilia injungantur. Urget ubi Præses, cave sis sub
pondere deses, Vel posse indages; Numine fretus ages.

[urn:nbn:de:hbz:466:1-65028](https://nbn-resolving.org/urn:nbn:de:hbz:466:1-65028)

- n) De quo vid. Statuta pag. 179.
- o) Etiam intra Monasterium, ex Bernard. Cassin. Commendatur nimirum hinc solitudo cellæ, verus paradisus voluptatis, omnisque virtutis, doctrinæ ac ^{Per}fectionis mater, tantopere culta Veteribus, ut ne communi quidem ac naturali necessitati satisfacere suâ authoritate præsumerent. Ex Cassiano.
- p) Seu licentiâ. Vid. etiam dicta c. 49. sub finem.

26. APRIL. 26. AUG. 26. DECEMB.

CAPUT LXVIII.

Si Fratri impossibilia injungantur.

Sicuti Fratri aliqua fortè gravia aut impossibilia injunguntur a, suscipiat quidem jubentis imperium cum omni mansuetudine & obedientiâ b. Quòd si omnino virium suarum mensuram viderit pondus c oneris excedere, impossibilitatis d suæ causas ei, qui sibi præest, patienter & opportunè suggerat e, non superbiendo, aut resistendo, vel contradicen-

dicendo. Quòd si post suggestionem suam *f* in suâ sententiâ Prioris *g* imperium perduraverit, sciat junior itâ sibi expedire; & ex charitate *h* confidens de adjutorio Dei *i* obediat.

a) Idem ante & post S. P. N. fecere plures Monachorum Magistri.

b) Id est, animo prompto ad obediendum.

c) Seu gravitatem.

d) Non verò puræ difficultatis, juxta Bernardum Cassin. & Boërium: quanquam & hoc ab aliis permittatur.

e) Id est, insinuet, vel modestè proponat.

f) Melius ejus, nisi malis cum aliis omittere.

g) Id est, Superioris.

h) Quæ juxta Apostolum omnia credit, omnia sperat, omnia sustinet; & juxta Chrysologum non accipit de impossibilitate solatium, non recipit de difficultate remedium.

i) Utpote per quod omnia possibile sunt credenti.

l) Pro quo notandum, triplicem esse impossibilitatem: [I. Absolutam & ex naturâ rei, quæ non nisi per miraculum, aut ne per

miraculum quidem fieri potest. [2. Ex
 præcepto Divino vel Ecclesiastico prohiben-
 te. [3. Ex opinione subditi, sive secundum
 capacitatem aut vires præsentis, ut cor-
 pore infirmo triturare frumentum; sive
 in ordine ad finem intentum, ut rigatio li-
 gni aridi, ut virescat, infusio aquæ in do-
 lium pertusum, ut impleatur &c. In dua-
 bus prioribus non tenetur parere subditus;
 ac miranda potius sunt, quàm imitanda
 simpliciter quorundam Sanctorum exempla,
 qui contrarium fecere ex speciali instinctu
 Spiritus S. Tenetur tamen etiam in illis
 monstrare promptum affectum, & facere,
 quantum potest & licet citra grave nocu-
 mentum aut temeritatem. Ex Suar. Sanch.
 &c. In 3tia verò parere tenetur, quia
 an aliquid sit possibile, subditus non
 debet suo iudicio definire, sed in ju-
 dicio Superioris stare, ait S. Thomas I.
 2. q. 13. a. 5. ad 3. Quòd autem S. P. N.
 loquatur de tertio genere impossibilium, pa-
 tet tum ex S. Thomâ l. cit. tum etiam ex
 contextu ipso; quid enim aliud est impos-
 sibilitatis suæ, quàm sibi apparentis?

27. APR.